

摘藻堂四庫全書薈要

集部

欽定四庫全書薈要

集部

御選歷代詩餘卷二十六

七

詳校官編修臣汪鏞



欽定四庫全書薈要

御選歷代詩餘卷二十六目錄

五十四字

臨江仙

和凝

留春令

又一體

黃庭堅

木蘭花

又一體

魏承班



玉闌干

杜安世

惜雙雙

張先

憶王孫

又一體

周紫芝

茶瓶兒

又一體

趙彥端

三字令 又一體

向子諲

紅腮睡 又一體

無名氏

南鄉一翦梅

虞集

鸚鵡曲

馮子振 三首

金錯刀

馮延巳

金鳳鈎

晁補之

雨中花

又一體

劉一止

趙長卿

程垓

二首

前調 又一體

吳子孝

南歌子 又一體

周邦彥

楊无咎 二首

青門引 又一體

吳子孝

浪淘沙 又一體

南唐李煜 二首

歐陽修 三首

王安石

晏幾道 四首

張先

賀鑄

毛滂

葛勝仲 二首



周紫芝  
二首

謝逸

呂渭老

趙師俠  
三首

趙長卿

朱敦儒

康伯可  
二首

曾覲

侯寘

辛棄疾

二首

范成大

陳三聘

葛立方

程垓

吳琚

陸游

謝懋

李洪

王炎

毛玠

高觀國

史達祖  
二首

張榘  
四首

洪璚

黃昇 二首

吳文英 二首

蔣捷

周密 二首

張炎 六首

韓偓 二首

趙旭

鄧剡

李振祖

李萊老

二首

李彭老

尚希尹

僧德洪

李清照

二首

鄭氏

金淑柔

幼卿

玉英

段成已

元好問  
二首

白樸

蕭漢傑

張翥

劉基  
三首

吳子孝

四首

楊慎

二首

顧同應

李攀龍

錢繼章

二首

張大烈

陳子龍

王泰際

沈宗琛

劉氏

葉小鸞

端淑卿

楊宛

御選歷代詩餘卷二十六目錄



欽定四庫全書薈要卷二萬七百四

集部

御選歷代詩餘卷二十六

五十四字

臨江仙

雙調五

十四字

臨江仙

和凝

海棠香老春江晚  
小樓霧縠空濛翠  
鬟初出繡簾中  
麝煙鸞珮惹蘋風  
碾玉釵搖鵲鵲顫  
雪肌雲鬢將融合  
情遙指碧波東  
越王臺殿蓼花紅

留春令

又一體雙調

五十四字

留春令

黃庭堅

江南一鴈橫秋水歎咫尺斷行千里回文機上字縱橫  
欲寄遠憑誰是謝客池塘春都未微微動短牆桃李  
半陰纔暝却清寒是瘦損人天氣

木蘭花

又一體雙調

五十四字

木蘭花

魏承班

小芙蓉香旖旎  
碧玉堂深清似水  
閒寶匣掩金鋪  
倚屏拖袖愁如醉  
遲遲好景煙花媚  
曲渚鴛鴦眠錦翅  
凝然愁望靜相思  
一雙笑靨嚙香蕊

玉闌干

雙調五  
十四字

玉闌干

杜安世

珠簾捲春殘景  
小雨牡丹零盡  
庭軒悄悄燕高飛  
風飄

絮綠苔暗浸 欲將幽恨傳愁信  
想後期今無憑定幾  
回獨睡不思量還悠悠夢裏尋趁

惜雙雙

雙調五十四字與惜分  
飛又一體之別名不同

惜雙雙

張先

城上層樓天邊路殘照裏平蕪綠樹傷遠更惜春暮有  
人還在高高處 斷夢歸雲經日去無計使哀絃寄語  
相望恨不相遇倚橋臨水誰家住

憶王孫

又一體亦名怨王孫  
雙調五十四字

憶王孫

周紫芝

梅子青時春海老紅滿地落花誰婦舊年池館不歸來  
又綠盡今年草思量千里鄉關道山共水幾時得到  
杜鵑只解怨殘春也不管人煩惱

茶瓶兒

又一體雙調  
五十四字

茶瓶兒

趙彥端

淡月華燈春夜送東風柳煙梅麝寶釵宮髻連驕馬似  
記得帝城遊冶 悅親戚之情話況溪山坐中如畫凌  
波微步人歸也看酒醒鳳鸞誰跨

三字令

又一體雙調  
五十四字

三字令

向子諲

春盡日雨餘時紅簌簌綠漪漪花滿地水平池煙光裊

雲影上畫船移  
文鴛並白鷺飛  
歌韻響酒行遲  
將我意入新詩  
春欲去留且住  
莫教歸

紅牕睡

又一體雙調  
五十四字

紅牕睡

無名氏

簾日烘花花影亂  
人未起戀鳳衾  
紅軟驚回香夢  
蘭情倦怪金衣頻轉  
玉笋芽按雙媚眼  
尋釵股歌鬟淺攏  
重裯正暖  
翡翠幃低揭漏篝煙一半

南鄉一翦梅

雙調五十四字亦是  
合二調為一調也

南鄉一翦梅

虞集

南阜小亭臺薄有山花取次開  
寄語多情熊少府晴也  
須來雨也須來  
隨意且銜杯莫惜春衣坐  
綠苔若待  
明朝風雨過人在天涯  
春在天涯

鷓鴣曲

雙調五十四字或以馮子振後二首另名黑漆弩  
分二體今觀三詞止小有異同且皆和韻則知為



一調無

疑也

鸚鵡曲

和白无  
咎韻

馮子振

巍峩峰頂移家住旦暮見上下樵父爛柯時樹老無花  
葉葉枝枝風雨故人曾喚我歸來却道不如休去指  
門前萬疊青山是不費青蚨買處

前調

錢塘  
初夏

馮子振

錢塘江上親曾住司馬檣不是村父縷金衣唱徹流年  
幾陣紗牕梅雨夢回時不見犀梳燕子又銜春去便

人間月缺花殘是小小香魂斷處

前調

馮子振

長繩難繫虛名住傾濁酒好勸鄰父草庭前矮樹當門  
畫出輕煙疎雨看燕南陌上紅塵馬耳北風吹去一  
年年月夜花朝自占取溪山好處

金錯刀

一名醉瑤瑟亦名步  
虛詞雙調五十四字

金錯刀

馮延巳

日融融草芊芊黃鶯求友啼林前柳條裊裊拖金線花  
蕊茸茸簇錦毬 鳩逐婦燕穿簾狂蜂浪蝶相翩翩春  
光堪賞還堪玩惱煞東風悞少年

# 金鳳鈎

雙調五

十四字

# 金鳳鈎

晁補之

雪晴閒步花畔試屈指早春將半櫻桃枝上最先到却  
恨小梅芳淺 忽驚拂水雙來燕暗自憶故人猶遠一

分風雨占春愁一來又對花腸斷

### 雨中花

又一體或多令字雙調五十四字與五十四字夜  
行船句法無殊平仄小別故亦名夜行船之又一  
體也

### 雨中花

劉一止

十頃疎梅開半就折芳條嫩香滿袖今度何郎尊前疑  
怪花共人俱瘦側側輕寒吹散酒高城近怕聽更漏  
可惜溪橋月明風露長是人歸後

前調

趙長卿

短棹輕舟排辦了。歌聲斷。晚霞殘照紅蓼。陂頭綠楊堤外離恨知多少。別後莫教音信杳。歎光陰自來堪笑。畫角譙門槐溪歸路。正是楚天曉。

前調

程垓

聞說海棠開盡了。怎生得。夜來一笑顰綠枝頭落紅點。裏問有愁多少。小院閉門春悄悄。禁不得瘦腰如嬾。豆蔻濃時。酴醾開處。試把菱花照。

前調

程垓

舊日愛花心未了，緊消得、花時一笑。幾日春寒連宵雨，悶不道、幽歡少。記得去年深院悄，梁畔一枝香，嫋嫋說與西樓後來明月，莫把梨花照。

前調

又一體

吳子孝

池上輕雷遙動埽，炎暑天邊雲重。蘭堂夜宴酒初斟，雨把新涼相送。檀板朱絃，聊一弄，聲窈窕。塵飛高棟，須臾雨散風敲竹，看玉盃蔗漿寒凍。

南歌子

又一體雙調  
五十四字

南歌子

周邦彥

膩頸凝酥白輕衫淡粉紅  
碧油涼氣透簾櫳  
指點庭花低影雲母屏風  
恨逐瑤琴寫書勞玉指  
封等閒贏得瘦儀容  
何事不教雲雨略下巫峰

前調

楊无咎

小雨疎疎過長江  
滾滾流落霞殘照  
晚明樓又是一番

重午身寄南州 羅綺紛香陌魚龍漾彩舟不堪回首  
鳳池頭誰道於今霜鬢猶自淹留

前調

楊无咎

波靜明如染山光翠欲流晚來乘興上妝樓樓外誰歌  
新唱知有黃州 擬泛銀河浪聊乘藕葉舟蓬山應是  
隱鰲頭借問謫仙何在今為誰留

青門引

又一體雙調  
五十四字



青門引

吳子孝

花發如花信不奈雨狂風橫一枝紅色正鮮妍春容可  
愛愛極翻成困飄零容易添新恨對酒間評論不如  
松菊傲霜凌雪年年無恙留三徑

浪淘沙

又一體一名賣花聲一名過龍  
門一名曲入冥雙調五十四字

浪淘沙

南唐李煜

簾外雨潺潺春意闌珊羅衾不耐五更寒夢裏不知身

是客一晌貪歡 獨自莫凭闌無限江山別時容易見  
時難流水落花春去也天上人間

前調

南唐李煜

往事只堪哀對景難排秋風庭院蘚侵階一桁珠簾閒  
不卷終日誰來 金釧已沉埋壯氣蒿萊晚涼天淨月  
華開想得玉樓瑤殿影空照秦淮

前調

歐陽修

把酒祝東風且共從容垂楊紫陌洛城東總是當時攜

手處遊徧芳叢 聚散苦匆匆此恨無窮今年花勝去年紅料得明年花更好知與誰同

前調

歐陽修

花外倒金翹飲散無悒柔桑蔽日柳迷條此地年時曾一醉還是春朝 今日舉輕橈帆影飄飄長亭回首短亭遙過盡長亭人更遠特地魂消

前調

歐陽修

萬恨共絲絲舊約前歡桃花溪畔柳陰間幾度日高春

睡重繡戶深闌 樓外夕陽閒獨自凭闌 一重水隔一  
重山水闊山高人不見有淚無言

前調

王安石

伊呂兩衰翁歷徧窮通一為釣叟一耕農假使當時俱  
不遇老了英雄 湯武一相逢風虎雲龍興王只在笑  
談中及至而今千載下誰與爭功

前調

晏幾道

高閣對橫塘新燕年光柳花殘夢隔瀟湘綠浦歸帆看

不見還是斜陽 一笑解愁腸  
人會蛾妝藕絲衫袖鬱  
金香曳雪牽雲留客醉  
且伴春狂

前調

晏幾道

小綠間長紅露蕊煙叢  
花開花落昔年同  
惟恨花前攜手處  
往事成空  
山遠水重重  
一笑難逢  
已擗長在別離中  
霜鬢知他從此去  
幾度春風

前調

晏幾道

麗曲醉思仙  
十二哀絃  
穠蛾疊柳  
臉紅蓮  
多少雨條煙

葉恨紅淚離筵 行子惜流年鵲鳩枝邊吳堤春水樣  
蘭船南去北來今漸老難負尊前

前調

晏幾道

翠幕綺筵張淑景難忘陽關聲巧遶雕梁美酒十分誰  
與共玉指持觴 曉枕夢高唐略話衷腸小山池院竹  
風涼明夜月圓簾四捲今夜思量

前調

張先

腸斷送韶華為惜楊花雪毬搖曳逐風斜容易著人容

易去飛過誰家 聚散苦咨嗟無計留他行人灑淚滴  
流霞今日畫堂歌舞地明日天涯

前調

賀鑄

一葉忽驚秋分付東流殷勤為過白蘋洲洲上小樓簾  
半捲應認歸舟 回首戀朋游迹去心留歌塵蕭散楚  
雲收惟有尊前曾見月相伴人愁

前調

毛滂

深院繡簾垂前日春歸畫橋楊柳弄煙霏池面東風先

解凍龜上漣漪 酒漱玉東西香暖狻猊遠山鬱秀入  
雙眉待看碧桃花爛漫春日遲遲

前調

葛勝仲

步屨對東風細探春工百花堂下牡丹叢莫恨使君來  
便去不見鞦韆紅 霧眼一衰翁無意芳穠年來結習已  
成空寄語國香雕檻裏好為人容

前調

賞菊

葛勝仲

我愛菊花枝浥露偏宜旋移佳種一年期照眼黃金三



徑爛可但東籬 秋老摘花吹散恨開遲只愁一夜便  
香衰待插滿頭年大也且泛芳卮

前調

除夜

周紫芝

江上送年歸還似年時屠蘇休恨到君遲覓得醉鄉無  
事處莫放愁知 紅燄一燈垂應笑人衰鶴長鳬短怨  
他誰明日江樓春到也且醉南枝

前調

周紫芝

落日在闌干風滿晴川坐來高浪擁銀山白鷺欲棲飛

不下却入蒼煙 千里水雲寒正繞煙鬟拍浮須要酒  
杯寬天與吾曹供一醉不是人間

前調

謝逸

料峭小桃風凝淡春容寶燈山列半天中麗服靚妝攜  
手處笑語匆匆 酒滴小槽紅一飲千鍾銅荷擎燭絳  
紗籠歸去笙歌喧院落月照簾櫳

前調

呂渭老

纖指捧琉璃莫惜重持自離閨苑失回期門掩東風桃

著子簾影遲遲  
樓上正橫篴荷氣沾衣誰將名玉碾  
花枝不比尋常紅與紫取次芳菲

前調 杏花

趙師俠

絳萼襯輕紅綴簇玲瓏天桃繁李一時同獨向枝頭春  
意鬧嬌倚東風飛片入簾櫳粉淡香濃鳳簫聲斷月  
明中只恐明朝風雨惡燕嘴泥融

前調 桃花

趙師俠

桃萼正芳菲初占春時蒸霞燦錦望中迷斜出繁枝臨

曲沼鸞鑑妝遲  
蜂蝶正相依  
天氣融怡空教追憶武  
陵溪片片漫隨流水去  
風暖煙霏

前調

柳

趙師俠

搖曳萬絲風輕染煙濃  
鵝黃初褪綠茸茸  
雨洗雲嬌春  
向晚雪絮空濛  
車馬灞橋中  
別緒匆匆只知攀折怨  
西東  
不道曉風殘月岸離恨無窮

前調

趙長卿

綠樹嚶鳴禽已是春深  
楊花庭院日陰陰  
簾外飛來雙

語燕不寄歸音 舊事嬾追尋  
空惹芳心天涯消息遠  
沉沉記得年時中酒後  
直至而今

前調

朱敦儒

風約雨橫江秋滿  
蓬牕箇中物色儘淒涼  
更是行人行未得  
猶繫歸艎  
擁被換殘香  
黃卷堆牀  
開愁展恨  
翦思量  
伊是浮雲儂是夢  
休問家鄉

前調

康伯可

感損遠山眉  
幽怨誰知  
羅衾滴盡淚  
黯黯脂夜過  
春寒愁

未起門外鴉啼 惆悵阻佳期人在天涯東風頻動小  
桃枝正是銷魂時候也撩亂花飛

前調

康伯可

愁撚斷釵金遠信沉沉秦箏調怨不成音郎馬不知何  
處也樓外春深 好夢已難尋夜夜餘衾目窮千里正  
傷心記得當年郎去路綠樹陰陰

前調

觀潮

曾覲

一線海門來雪噴雲開崑山移玉下瑤臺捲地西風吹

不斷直到蓬萊  
羯鼓噪春雷  
鼉舞蛟迴歌樓鼓吹夕  
陽催今古  
清愁流不盡都入罇罍

前調

侯寘

曉日掠輕雲  
霜瓦鱗鱗六朝山色儼如新  
家在洞庭南  
畔住身在江濱  
華髮照烏巾  
無意尋春空將兩袖拂  
飛塵  
可惜梅花開近路  
惱盡行人

前調

山寺夜半聞鐘

辛棄疾

身世酒杯中  
萬事皆空古來三五箇英雄  
雨打風吹何

處是漢殿秦宮 夢入少年叢歌舞匆匆老僧夜半誤  
鳴鐘驚起西牕眠不得捲地西風

前調

賦虞美人

辛棄疾

不肯過江東玉帳匆匆只今草木憶英雄唱著虞兮當  
日曲便舞春風 兒女此情同往事朦朧湘娥竹上淚  
痕濃舜目重瞳堪痛恨羽又重瞳

前調

范成大

黯淡養花天小雨能慳煙輕雲薄有無間官柳絲絲都



綠徧猶有春寒 空翠濕征鞍馬首千山多情若是肯  
俱還別有玉杯承露冷留共君看

前調

陳三聘

風雨晚春天芳興慵慳淺紅稠綠滿園間獨有梨花三  
四朵留住春寒 年少躍金鞍咫尺關山倦飛如我已  
知還灑向東風千點淚衣上重看

前調

新第落  
成即席

葛立方

休看輞川圖未是幽居何如雲水繞儲胥新濕青紅開

棟宇霧拱風疎  
小圃秀郊墟  
花破平蕪五峰列影水  
平鋪只欠五城樓十二便是蓬壺

前調

程垓

山盡兩溪頭水合天  
浮行人莫賦大江愁  
且是芙蓉城下水還送歸舟  
魚鴈兩悠悠煙斷雲收誰教此水却  
西流載我相思千點淚還與青樓

前調

吳琚

岸柳可藏鴉路轉溪斜  
忘機鷗鷺立汀沙  
咫尺鍾山迷

望眼一半雲遮  
臨水整烏紗  
兩鬢蒼華  
故鄉心事在  
天涯  
幾日不來春  
便了開盡桃花

前調

丹陽浮玉亭

陸游

綠樹暗長亭  
幾把離尊  
陽關常恨不堪聞  
何況今朝秋色裏  
身是行人  
清淚浥羅巾  
各自銷魂  
一江離恨恰平分  
安得千尋橫鐵鎖  
截斷煙津

前調

謝懋

黃道雨初乾  
霽靄空蟠  
東風楊柳碧毵毵  
燕子不歸花

有恨小院春寒 倦客亦何堪塵滿征衫明朝野水幾  
重山歸夢已隨芳草綠先到江南

前調

櫻桃

李洪

上苑又春殘櫻顚如丹明光宮裏水晶盤想得退朝花  
底散宣賜千官 往事記金鑿荔子難攀多情更有酪  
漿寒蜀客筠籠相贈處愁憶長安

前調

王炎

秋色滿東籬露滴風吹憑誰折取泛芳卮長是年年重

九日苦恨開遲 因記得當時共撚纖枝而今寂寞鳳  
孤飛不似舊時心緒好惟有花知

前調

毛 升

簾幙燕雙飛春共人歸東風側側雨霏霏水滿西池花  
滿地追惜芳菲 回首昔游非別夢依稀一成春瘦不  
勝衣無限樓前傷遠意芳草斜暉

前調

杜鵑  
花

高觀國

啼魄憶天涯怨入芳華可憐零血染煙霞記得西風秋

露冷曾浣司花 明月滿牕紗倦客思家故宮春事興  
愁賒冉冉斷魂招不得翠冷紅斜

前調

史達祖

醉月小紅樓錦瑟空篴夜來風雨曉來收幾點落花饒  
柳絮同為春愁 寄信問晴鷗誰在芳洲綠波迎處有  
蘭舟獨對舊時攜手地情思悠悠

前調

史達祖

一帶古苔牆多聽寒蛩篴中鍼線早銷香燕尾寶刀牕

下夢誰翦秋裳 更漏莫添長空費思量鴛鴦難得再  
成雙昨夜楚山花簾裏波影先涼

前調

和上元叙  
別二首

張 槩

風色轉東南翠擁層巒杏花疎雨逗清寒鍾阜石城何  
處是煙靄漫漫 行旆已西關一霎時間芳尊聊復挽  
餘歡明日斷魂分付與萬疊雲山

前調

張 槩

雨過暮天南高下青巒小樓燕子語春寒多少夕陽芳

草地霧掩煙漫 別恨正相關 心上眉間離歌一曲間  
悲歡後夜月明何處夢鍾阜雲山

前調

次韻雨中海棠

張 槩

春夢草茸茸 愁雨愁風對花須 拚酒頻中莫遣枝頭銀  
燭暗辜負媽紅 推起簿書叢何苦匆匆慳吟却說少  
陵公天定為花開一笑日上籬東

前調

訂出郊

張 槩

煙縷暗蒙茸 楊柳輕風雨聲多在夜牕中 春水漸生春



事去流盡殘紅  
新笋綠叢叢  
鶯語匆匆一尊同  
酌定  
林公十里長松青  
未了山北山東

前調

別意

洪璚

花霧漲冥冥  
欲雨還晴薄  
羅衫子正宜春  
無奈今宵鴛  
帳裏身是行人  
別酒不須斟  
難洗離情  
綠鞵如電紫  
騮鳴腸斷  
畫橋芳草路  
月曉風清

前調

黃昇

鶯蝶太匆匆  
惱煞山翁  
牡丹開盡  
狀元紅  
俯仰之間增

感慨花事成空 垂柳綠陰中粉絮濛濛多情多病轉  
疎慵不是東風辜負我我負東風

前調

憶舊

黃昇

秋色滿層霄翦翦寒飈一襟殘照兩無聊數盡歸鴉人  
不見落木蕭蕭往事欲魂消夢想風標春江綠漲水  
平橋側帽停鞭沽酒處柳軟鶯嬌

前調

越中  
楊梅

吳文英

綠樹越溪灣雨過雲殷西陵人去暮潮還鉛淚結成紅

粟顆封寄長安 別味帶生酸愁憶眉山小樓燈外棟  
花寒衫袖醉痕花唾在猶染微丹

前調 九日

吳文英

山遠翠眉長高處淒涼菊花清瘦杜秋孃淨洗綠杯牽  
露井聊薦幽香 烏帽壓吳霜風力偏狂一年佳節過  
西廂秋色鴈聲愁幾許都在斜陽

前調 重九

蔣捷

明露浴疎桐秋滿簾櫳拚琴無語意忡忡拍破東牕窺

皓月早上芙蓉 前事渺茫中煙水孤鴻一尊重九又  
成空不解吹愁吹帽落恨煞西風

前調

周密

芳草碧茸茸染恨無窮一春心事雨聲中窄素宮羅寒  
尚峭閒倚熏籠 猶記粉牆東同醉香叢金鞍何處驟  
花驄裊裊綠牕殘夢斷紅杏東風

前調

周密

柳色淡如秋蝶嬾鶯羞十分春事九分休開盡楝花寒

尚在怕上簾鉤  
京洛少年遊  
誰念淹留東風吹雨過  
西樓殘夢宿醒相合就一段新愁

前調

秋江

張炎

萬里一飛蓬  
吟老丹楓潮生潮落海門東  
三兩點鷗沙外月閒意誰同  
一色與天通  
絕去塵紅漁歌忽斷荻花風  
煙水自流心不競長笛霜空

前調

題許由擲瓢手卷

張炎

拂袖入山阿  
深隱松蘿掬流洗耳厭塵多  
石上一般清

意味不羨漁蓑 日月靜中過  
俗慮消磨風瓢分付與  
清波却笑唐求因底事不奈詩何

前調

張炎

寒食不多時 燕燕纔歸杏花零落水痕肥  
淺碧分山初過雨一霎晴暉  
閒折小桃枝蝶也相隨晚妝不合整  
蛾眉顰忽思量張敞畫又被愁知

前調

墨水  
仙

張炎

回雪欲婆娑淡埽修蛾盈盈不語奈情何  
應恨梅兄礬

弟遠雲隔山阿 弱水夜寒多帶月曾過羽衣飛過染  
餘波白鶴難招歸未得天閭星河

前調

張炎

玉立水雲鄉爾我相忘披離寒雨庇風霜不趁白鷗遊  
海上靜看魚忙 應笑我淒涼客路何長猶將孤影侶  
斜陽花底鷓鴣行無認處却對秋塘

前調

作墨水仙  
寄張伯雨

張炎

香霧濕雲鬟蕊佩珊珊酒醒微步晚波寒金鼎尚存丹

已化雪冷虛壇 游冶未知還鶴怨空山  
瀟湘無夢繞 叢蘭碧海茫茫歸不去却在人間

前調

韓 畤

莫上玉樓看花雨斑斑四垂羅幙護朝寒  
燕子不知春去也飛認闌干 回首幾關山  
後會應難相逢祇有夢魂間可奈夢隨春漏短不到江南

前調

豐樂樓

韓 畤

裙色草初青鴨綠波輕試花霏雨濕春晴  
三十六梯人



不到獨喚瑤箏  
艇子憶逢迎  
依舊多情朱門只合鎖  
娉婷却逐彩鸞歸去路香陌春城

前調

趙旭

握管淚盈眸欲寫還休  
人間情是阿誰留  
千丈游絲不落地風外悠悠  
煙雨晚山稠  
人在西樓幾行候鴈下  
汀洲一箇思鄉寒夜客萬種離愁

前調

鄧剡

疎雨洗天清  
枕簟涼生井桐一葉做秋聲  
誰念客身輕

似葉千里飄零 夢斷古臺城月淡潮平便須攜酒訪  
新亭不見當時王謝宅煙草青青

前調

李振祖

春在畫橋西畫舫輕移粉香何處度漣漪認得一船楊  
柳外簾影垂垂 誰倚碧闌低酒暈雙眉鴛鴦並浴燕  
交飛一片閒情春水隔斜日人歸

前調

李萊老

榆火換新煙翠柳朱簷東風吹得落花顛簾影翠梭懸

繡帶人傍秋千 猶憶十年前西子湖邊斜陽催入畫  
樓船歸醉夜堂歌舞月拚却春眠

前調

李萊老

寶押繡簾斜鶯燕誰家銀箏初試合琵琶柳色春羅裁  
袖小雙戴桃花 芳草滿天涯流水韶華晚風楊柳綠  
交加閒倚闌干無藉在數盡歸鴉

前調

李彭老

潑火雨初晴草色青青傍檐垂柳賣春餚畫舫載花花

解語綰燕吟鶯 簫鼓入西泠一片煙輕鈿車羅蓋競  
歸城別有水牕人喚酒弦月初生

前調

尚希尹

結客去登樓誰繫蘭舟半篙清漲雨初收把酒留春春  
不住柳暗江頭老去怕閒愁莫莫休休晚來風惡下  
簾鉤試問落花隨水去還解西流

前調

懷歸

僧德洪

城裏久偷閒塵浣雲衫此身已是再眠蠶隔岸有山歸

去好萬壑千巖 霜曉更凭闌減盡晴嵐微雲生處是  
茅菴試問此身誰作伴彌勒同龕

前調

宋媛

李清照

素約小腰身不耐傷春疎梅影下晚妝新裊裊婷婷何  
樣似一縷輕雲 歌巧動朱脣字字嬌嗔桃花深徑一  
通津悵望瑤臺清夜月還照歸輪

前調

李清照

簾外五更風吹夢無蹤畫樓重上與誰同記得玉釵斜

撥火寶篆成空 回首紫金峰雨潤雲濃一江春浪醉  
醒中留得羅襟前日淚彈與征鴻

前調

宋媛 鄭氏

盡日倚危闌觸目淒然乘高望處是居延忍聽樓頭吹  
畫角雪滿長川 荏苒又經年暗想梁園與民同樂五  
門前僧院仍存宣政字不見鰲山

前調

宋媛 金淑柔

雨溜和風鈴滴滴丁丁做成一枕別離情可是當年陶

學士韋負郵亭 過鴈帶邊聲音信無憑花鬢偷數卜  
歸程料得到家秋正好菊滿寒城

前調

宋媛 幼卿

極目楚天空雲雨無蹤謾留遺恨鎖眉峰自是荷花開  
較晚韋負東風 客館類飄蓬聚散匆匆揚鞭那忍驟  
花驄望斷斜陽人不見滿袖啼紅

前調

女仙 玉英

塞上早春時煖律猶微柳拖金線水回堤料得江鄉應

更好開盡梅蹊 晝漏漸遲遲愁損香肌幾回無語斂  
雙眉凭徧闌干十二曲月下樓西

前調

惜花

段成已

好箇杏花時只怕寒欺東君無意惜芳蕤雨橫風狂都  
不管儘得禁持 瘦損一分肌著甚醫治一天春恨沒  
尋思怎得丁寧雙燕子說與春知

前調

元好問

春瘦怯春衣春思低迷雨聲徧與睡相宜惱懊離愁尋



殢酒已被愁知 煙樹望中低水繞山圍丁寧雙燕話  
心期昨夜狂風花在否明日郎歸

前調

元好問

金翠畫屏山萬髻千鬟桃源樓閣五雲間恨煞芙蓉城  
下客不借青鸞 風雨杏花殘芳意都闌一燈孤影小  
牕間繡被熏來香欲盡只是春寒

前調

白樸

青鎖幾窺容帶結心同臨鸞誰與畫眉峰自恨尋芳來

較晚辜負春紅 無物比情濃無計相從殷勤心事若  
為通留得青衫前日淚彈滿西風

前調

春雨

蕭漢傑

濕逗晚香殘春淺春寒灑牕填戶著幽蘭慘慘悽悽仍  
滴滴做出多般 和霰撒珠盤枕上更闌芭蕉怨曲帶  
愁彈綠徧堦前苔一片曉起誰看

前調

臨川文昌樓望月

張翥

醉眼望秋寒星斗闌干小牕人影月明間客裏不知歸

是夢只在吳山 行路自來難長缺休彈黃塵到底浣  
儒冠一片白鷗湖上水閒了漁竿

前調

秋感

劉基

江上晚來風煙靄濛濛白蘋吹盡到丹楓流水落霞衰  
草外離恨無窮 極目楚雲東愁見歸鴻拒霜相倚夕  
陽中露重月寒芳意歇知為誰紅

前調

劉基

門外綠楊堤有箇鶯啼聲聲傳恨入香閨閨裏佳人驚

睡起淚濕眉低 莫把此情提天也悲淒滄江東下夕  
陽西芳草不知人別苦隨意萋萋

前調

劉基

樓上倚闌干月在雲端輕煙飛盡碧綃寒腸斷夕陽芳  
草外山海漫漫 柳嫩不勝攀欲寄應難盤龍塵匣怨  
孤鸞可惜嬋娟今夜月好共誰看

前調

秋夜坐  
漱雲臺

吳子孝

山暝素煙凝新月初生珠簾倒影碧波明何處晚風涼

滿樹蓮動魚驚  
絡緯奏秋聲  
花障閒庭金壺釀水玉  
臺平繞徧闌干還獨倚無限離情

前調

吳子孝

牕外鳥聲嬌  
嘲哢春朝每思郊野  
騁鳴鑣小暖作風風  
作雨興味無聊  
午枕困新醪夢醒香消  
江南風景到  
春饒十里西山芳草路  
目斷心搖

前調

吳子孝

夜漏已三更  
露濕空庭名花爛漫異香生  
羅袖拂花花

拂面有恨無情  
燈下認娉婷  
不住歌聲琵琶袞急酒  
頻傾百歲光陰  
春有幾風雨剛晴

前調

吳子孝

春去苦難留  
花落溪頭年年三月替花愁  
想到天涯青  
草徧望斷吟眸  
燕子已啁啾  
日暖風柔畫簾垂下雨  
初收縱是明年春到也猶隔今秋

前調

別友

楊慎

驟雨打新河  
綠漲清波風蒲獵獵映金荷  
池上玉尊移

晚興共倚林柯 莫惜醉顏酡聽我離歌長亭回首碧  
雲多千里懷人思命駕何日重過

前調

春情

楊慎

春夢似楊花繞徧天涯黃鶯啼過綠牕紗驚散香雲飛  
不去篆縷煙斜 油壁小香車水渺雲賒青樓珠箔那  
人家舊日羅巾今日淚濕盡韶華

前調

顧同應

生小學詩篇嬌孽瑤牋春來獨自在花前謝女簾櫳飛

柳絮有句難傳 香夢逗春煙一晌留連吟情多半為  
花牽還憶從郎徵險韻譜入冰絃

前調

汨羅  
夜泊

李攀龍

風雨夜來多暗渡湘羅冷煙凝露蘸清波隔浦殘燈明  
半滅滿地漁蓑 三載幾回過壯志消磨蘆花深處楚  
人歌大半離騷經裏意音韻阿那

前調

聞春  
榜

錢繼章

往事不堪談休更凭闌年華冉冉入吟髯且喜長安人



下第身在江南 何處較青藍  
夢裏邯鄲曲橋花影覆  
澄潭一領煙蓑三尺釣  
滿眼春山

前調

錢繼章

雲意壓山尖故故相黏繞  
籬敗葉夜重添不見黃花開  
一點孤負陶潛 悶坐了無歡  
舊恨新拈西風一霎捲  
茅簷欲買秋光無計可笑  
拾榆錢

前調

張大烈

顚顚嬾妝眉對鏡方知愁腸難解  
膩如脂送過春華新

景換枝上鶯啼 人遠信難期夢繞天涯蝶魂常自戀  
花枝正是困人天氣也鷓鴣雙飛

前調

陳子龍

閣外曉雲生煙草初醒一番風雨一番晴幾度銷魂還  
未了又到清明 偏是對娉婷特地飄零落花春夢兩  
無憑滿眼離愁留不住悔我多情

前調

王泰際

高閣掩春殘香冷衾單滿城桃李盡朱顏自分與花同

福命長是心關 作客信郎難書杳平安多因身在翠  
微間歸看雙鸞妝鏡裏亦有青山

前調

沈宗堦

倦繡到如今睡思沉沉推琴罷阮怯繁音香夢不知何  
處去簾月偏深 好會已難尋夜夜孤衾瑤階清影倍  
傷心憶著初春伊未去月也殷勤

前調

新秋

明媛

劉氏

昨夜雨綿綿寒澀燈煙薄衾蕭索不成眠曉起牀頭看

歷日換了秋天 綠葉尚新鮮猶想爭妍教他知道也  
淒然眼底韶光容易過樹且堪憐

前調

明媛  
葉小鸞

薄暮峭寒分羅簾香焚粉牆留影弄微曛一縷茶煙和  
夢煮却又黃昏 曲曲畫湘紋靜掩巫雲花開花落負  
東君賺取花開花又落都是東君

前調

憶外

明媛  
端淑卿

灑淚卜金錢爻象移遷荷筒折斷藕絲連夢裏還家愁

裏語總是虛占 時事苦迤邐一別經年北堂萱草望  
懸懸雲樹參差山水遠魚鴈難傳

前調 茉莉

明妓 楊 宛

盡日若含愁別樣嬌羞晚涼香散上簾鉤帶露摘來斜  
插鬢一夜風流 忒煞恁輕柔怎耐深秋相攜閒對小  
妝樓不忍淒涼伊似我我似伊不

御選歷代詩餘卷二十六

欽定四庫全書薈要

御選歷代詩餘卷二十七目錄

五十  
五字

鷓鴣天

上

宋祁

范純仁

晏幾道

十八首

蘇軾

三首

黃庭堅

三首

秦觀

晁補之 二首

李之儀 四首

賀鑄 三首

李元膺

趙令時 二首

蘇庠 二首

葛勝仲 五首



周紫芝  
十三首

謝逸  
三首

葛郊  
二首

晁端禮

曹組

呂渭老  
四首

王安中

向子諲  
九首

葉夢得 六首

趙師俠 五首

趙長卿 十二首

朱敦儒

曾覲

侯寘 三首

御選歷代詩餘卷二十七目錄

欽定四庫全書薈要卷二萬七百五

集部

御選歷代詩餘卷二十七

五十  
五字

鷓鴣天

上

一名思佳客雙

調五十五字

鷓鴣天

宋 祁

畫轂雕鞍狹路逢一春腸斷繡簾中身無彩鳳雙飛翼  
心有靈犀一點通金作屋玉為櫳車如流水馬遊龍  
劉郎已恨蓬山遠更隔蓬山幾萬重

前調

范純仁

臘後春前暖律催日和風暖欲開梅公方結客尋佳景  
我亦忘形趁酒杯添管籥續尊壘更闌秉燭未能回  
清歌莫待相期約乘興來時便可來

前調

晏幾道

碧藕花開水殿涼萬年枝外轉紅陽昇平歌管隨天仗  
祥瑞封章滿御牀金掌露玉爐香歲華方共聖恩長  
皇州又奏圜扉靜十樣宮眉捧壽觴

前調

晏幾道

彩袖殷勤捧玉鍾當年擲却醉顏紅  
舞低楊葉樓心月歌盡桃花扇影風  
從別後憶相逢幾回魂夢與君同  
今宵剩把銀釭照猶恐相逢是夢中

前調

晏幾道

一醉醒來春又殘野棠梨雨淚闌干  
玉笙聲裏鶯空怨羅幙香中燕未還  
終易散且長閒莫教離恨損朱顏  
誰堪共展鴛鴦錦同過西樓此夜寒

前調

晏幾道

梅蕊新妝桂葉著  
小蓮風韻出瑤池  
雲隨綠水歌聲轉  
雪繞紅綃舞袖垂  
傷別易恨歡遲  
惜無紅錦為裁詩  
行人莫便銷魂去  
漢渚星橋尚有期

前調

晏幾道

守得蓮開結伴遊  
約開萍葉上蘭舟  
來時浦口雲隨棹  
採罷江邊月滿樓  
花不語水空流  
年年判得為花愁  
明朝萬一西風勁  
爭上朱顏不奈秋

前調 七夕

晏幾道

當日佳期鵲誤傳至今猶作斷腸仙橋成漢渚星波外  
人在鸞歌鳳舞前歡盡夜別經年別多歡少奈何天  
情知此會無長計咫尺涼蟾亦未圓

前調

晏幾道

題破香箋小研紅詩多遠寄舊相逢西樓酒面垂垂雪  
南苑春山細細風花不盡柳無窮別來歡事少人同  
憑誰問取歸雲信今在巫山第幾峰

前調

晏幾道

清潁尊前酒滿衣十年風月舊相知憑誰細話當時事  
腸斷山長水遠詩金鳳闕玉龍墀看君來換錦袍時  
姮娥已有殷勤約留著蟾宮第一枝

前調

晏幾道

醉拍春衫惜舊香天將離恨惱疎狂年年陌上生秋草  
日日樓中到夕陽雲渺渺水茫茫征人歸路許多長  
相思本是無憑語莫向花箋費淚行



前調

晏幾道

楚女腰肢越女顚  
粉圓雙蕊髻中開  
朱絃曲怨愁春盡  
綠酒杯寒記夜來  
新擲果舊分釵  
冶遊音信隔章臺  
花間錦字空頻寄  
月底金鞍竟未回

前調

晏幾道

十里樓臺倚翠微  
百花深處杜鵑啼  
殷勤自與行人語  
不似流鶯取次飛  
驚夢覺弄晴時  
聲聲只道不如歸  
天涯豈是無歸意  
爭奈歸期未可期

前調

晏幾道

陌上濛濛殘絮飛。杜鵑花裏杜鵑啼。年年底事不歸去。  
怨月愁煙長為誰。梅雨細，曉風微。倚樓人聽欲沾衣。  
故園三度羣花謝。曼倩天涯猶未歸。

前調

晏幾道

曉日迎長歲。歲同太平簫鼓間歌鐘。雲高未有前村雪。  
梅小初開昨夜風。羅幕翠，錦筵紅。釵頭羅勝寫宜春。  
從今屈指春期近。莫使金尊對月空。

前調

晏幾道

小玉樓中月上時  
夜來惟許月華知  
重簾有意藏私語  
雙燭無端惱暗期  
傷別易恨歡遲  
歸來何處驗相思  
沈郎春雪愁銷臂  
謝女香膏嬾畫眉

前調

晏幾道

手撚香箋憶小蓮  
欲將遺恨倩誰傳  
歸來獨卧逍遙夜  
夢裏相逢酩酊天  
花易落月難圓  
只應花月似歡緣  
秦箏若有心情在  
試寫離聲入舊絃

前調

晏幾道

九日悲秋不到心  
鳳城歌管有新音  
風彫碧柳愁眉淡  
露染黃花笑靨深  
初見鴈已聞砧  
綺羅叢裏勝登臨  
須教月戶纖纖玉  
細捧霞觴澹澹金

前調

晏幾道

綠橘梢頭幾點春  
似留香蕊送行人  
明朝紫鳳朝天路  
十二重城五碧雲  
歌漸咽酒初醺  
儘將紅淚濕湘裙  
贛江西畔從今日  
明月清風憶使君

前調

晏幾道

小令尊前見玉簫銀燈一曲太妖嬈歌中醉倒誰能恨  
唱罷歸來酒未消春悄悄夜迢迢碧雲天共楚宮腰  
夢魂慣得無拘檢又踏楊花過謝橋

前調

蘇軾

羅帶雙垂畫不成殢人嬌態最輕盈酥胸斜抱天邊月  
玉手輕彈水面冰無限事許多情四絃絲竹苦丁寧  
饒君撥盡相思調待聽梧桐葉落聲

前調

蘇軾

林斷山明竹隱牆  
亂蟬衰草小池塘  
翻空白鳥時時見  
照水紅蕖細細香  
村舍外  
古城傍  
杖藜徐步轉斜陽  
殷勤昨夜三更雨  
又得浮生一日涼

前調

蘇軾

笑撚紅牙彈翠翹  
揚州十里最妖嬈  
夜來綺席親曾見  
撮得精神滴滴嬌  
尊後眼  
舞時腰  
劉郎幾度欲魂消  
明朝酒醒知何處  
腸斷人間紫玉簫

前調

黃庭堅

西塞山邊白鳥飛  
桃花流水鱖魚肥  
朝廷尚覓元真子  
何處如今更有詩  
青箬笠綠蓑衣  
斜風細雨不須歸  
人間底事風波險  
一日風波十二時

前調

黃庭堅

塞鴈初來秋影寒  
霜林風過葉聲乾  
龍山落帽千年事  
我對西風猶整冠  
蘭委佩菊堪餐  
人情時事半悲歡  
但將醕酏酬佳節  
更把茱萸仔細看

前調

黃庭堅

黃菊枝頭生晚寒  
人生莫放酒杯乾  
風中橫笛斜吹雨  
醉裏簪花倒著冠  
身健在且加餐  
舞裙歌板盡情歡  
黃花白髮相牽挽  
付與傍人冷眼看

前調

秦觀

枕上流鶯和淚聞  
新啼痕間舊啼痕  
一春魚鳥無消息  
千里關山勞夢魂  
無一語對芳尊  
安排腸斷到黃昏  
甫能炙得燈兒了  
雨打梨花深閉門



前調

晁補之

欲上南湖綵舫嬉還思北渚與嵐漪  
圓荷蓋水垂楊岸  
瀉瀉鴛鴦總下時  
持此意遣誰知  
清波還照鬢間絲  
西樓重唱池塘好  
應是紅妝斂翠眉

前調

晁補之

繡幕低低拂地垂  
春風何事入羅幃  
胡麻好種無人種  
正是歸時底未歸  
臨晚景憶當時  
愁心一動亂如絲  
夕陽芳草本無恨  
才子佳人空自悲

前調

李之儀

節是重陽却斗寒。可堪風雨累尋歡。雖辜早菊同高柳。  
聊挹殘蕉共小闌。浮蟻嫩炷煙盤恨。無鶯唱舞催鸞。  
空驚絕韻天邊落。不許韶顏夢裏看。

前調

李之儀

濃麗妖妍不是妝。十分風豔奪韶光。牡丹開就應難比。  
繁富猶疑過海棠。須仔細。更端相。爛霞流暈帶朝陽。  
千金未足酬真賞。一度相看一斷腸。

前調

李之儀

避暑佳人不著妝  
水晶冠子薄羅裳  
摩綿撲粉飛瓊屑  
避暑佳人不著妝  
水晶冠子薄羅裳  
摩綿撲粉飛瓊屑  
濾蜜調冰結絳霜  
隨定我小蘭堂  
金盆盛水小牙牀  
時時浸手心  
頭熨受盡無人知  
處涼

前調

李之儀

收盡微風不見江  
分明天水共燈光  
由來好處輸閒地  
堪歎人生有底忙  
心既遠  
味偏長  
須知麤布勝無裳  
從今認得歸田樂  
何必桃源是故鄉

前調

賀鑄

豆蔻梢頭莫謾誇春風十里舊繁華  
金樓玉蕊皆殊豔別有傾城第一花  
青雀舫紫雲車暗期歸路指煙霞  
無端却似堂前燕飛入尋常百姓家

前調

賀鑄

怱悵離亭斷綵襟碧雲明月兩關心  
幾行書尾情何限一尺裙腰瘦不禁  
遙夜半曲房深有時昵語話如今  
侵牕冷雨燈生暈淚濕羅牋楚調吟

前調

賀鑄

紫府東風放夜時步蓮襪李伴人歸五更鐘動笙歌散  
十里月明燈火稀香冉冉夢依依天涯寒盡減春衣  
鳳凰城闕知何處寥落星河一鴈飛

前調

李元膺

寂寞秋千兩繡旗日長花影轉堦遲燕驚午夢周遮語  
蝶困春遊落拓飛思往事入顰眉柳梢陰重又當時  
薄情風絮難拘束飛過東牆不肯歸

前調

趙令時

素玉朝來有好懷一枝梅粉照人開  
晴雲欲向杯中起  
春色先從臉上來  
深院落小樓臺  
玉盤香篆看徘徊  
須知月色撩人恨  
數夜春寒不下階

前調

趙令時

可是相逢意便深  
為郎巧笑不須金  
門前一尺春風髻  
牕內三更夜雨衾  
情渺渺  
信沈沈  
青鸞無路寄芳音  
山城鐘鼓愁難聽  
不解襄王夢裏尋

前調

蘇庠

楓落河梁野水秋  
淡煙衰草接郊丘  
醉眠小塢黃茅店  
夢倚高城赤葉樓  
天杳杳路悠悠  
鈿箏歌扇等閒休  
灞橋楊柳年年恨  
鴛浦芙蓉葉葉愁

前調

蘇庠

秋入蒹葭小鴈行  
參差飛墮水雲鄉  
直須銀甲供春筍  
且滴糟牀覆羽觴  
風壓幕月侵廊  
江南江北夜茫茫  
懸知馬上啼鵲夢  
一夜驚飛寶鴨香

前調

宴集夏  
氏林亭

葛勝仲

小榭幽園翠箔垂雲輕日薄淡秋暉菊英露浥淵明徑  
藕葉風吹叔寶池 酬素景泥芳卮老人癡鈍強伸眉  
謹譁莫遣笙歌散歸路從教燈影稀

前調

葛勝仲

婆律香濃氣味佳玻璃仙盃進流霞凝膏清滌高陽醉  
靈液甘和正焙芽 香染指浪浮花加邊禮盡客還家  
買珠聲斷紅囊散踏影人歸素月斜



前調

葛勝仲

玉琯還飛換歲灰  
定山新棹酒船迴  
年時梁燕雙雙在  
肯為人愁便不來  
衰意緒病情懷  
玉山今夜為誰頽  
年時梅蕊垂垂破  
肯為人愁便不開

前調

賞菊

葛勝仲

黃菊鮮鮮帶露濃  
小園開徧度香風  
自筍玉醞酬朝色  
旋洗霜鬚對晚叢  
香在手莫匆匆  
尋芳今夜有人同  
黃金委地新收得  
莫道山翁到底窮

前調

葛勝仲

采采黃花鵲彩濃吹開一夜為霜風已邀騷客陶元亮  
不用歌姬盛小叢秋易老莫匆匆齊山高興古今同  
欲知此地花多少滿眼金英望不窮

前調

周紫芝

荷氣吹涼到枕邊薄紗如霧亦如煙清泉浴後花垂雨  
白酒傾時玉滿船釵欲溜髻微偏却尋霜粉撲香繡  
冰肌近著渾無暑小扇頻搖最可憐

前調 七夕

周紫芝

烏鵲橋邊河漢流  
洗車微雨濕清秋  
紅蓮不似常相憶  
一度相逢一度愁  
雲却靜月垂鉤  
金鍼穿得喜回頭  
只因人倚闌干處  
便似天孫梳洗樓

前調

李彥俠  
生日

周紫芝

尊酒年年樂事多  
古銅猶得幾摩挲  
他時人物君須記  
玉笋班中李泰和  
煩翠袖把金荷  
功名餘事且高歌  
新來學得長生訣  
寫就黃庭不換鵝

前調

沈彥述  
生日

周紫芝

名在休文季孟間一時風味更蕭然  
瓊林不逐春風老  
安用丹砂巧駐顏  
春入戶酒吹瀾  
小桃枝上錦爛斑  
明年欲與君為壽  
無路相從入道山

前調

有贈

周紫芝

裊裊雲梳曉髻堆娟娟秋淨眼波回  
舊家十二峰前住  
偶為襄王下楚臺  
閒院靜小桃開  
劉郎前度幾回來  
東風易得行雲散  
花裏傳觴莫漫催

前調

菊

周紫芝

晴日烘簾暖似春菊回霜暈淺仍深誰知此地栽花手  
便是當時覲蕊人秋渺渺夜沉沉一聲清唱裊殘音  
嬌癡應挽香羅比六幅雙裙染鬱金

前調

周紫芝

一點殘紅欲盡時乍涼秋氣滿屏幃梧桐葉上三更雨  
葉葉聲聲是別離調寶瑟撥金猊那時同唱鷓鴣詞  
如今風雨西樓夜不聽清歌也淚垂

前調

周紫芝

年少登高意氣多黃花壓帽醉嵯峨  
如今滿眼看華髮  
強撚茱萸奈若何  
千疊岫萬重波  
一時分付與秦娥  
明年身健君休問  
且對秋風卷翠螺

前調

周紫芝

終日看山不厭山  
尋思百計不如閒  
何時得到重陽日  
醉把茱萸仔細看  
敲阜帽倚雕欄  
偶然攜酒却成歡  
籬邊黃菊關心事  
觸忤愁人到酒邊

前調

周紫芝

讀盡牙籤玉軸書不知門外有園蔬  
借令未解鸞坡去也合讐書在石渠  
微雨後小寒初滿斟長壽碧琳腴  
不須更問荊州路便上追鋒御府車

前調

周紫芝

樓外緗桃一萼紅別來開謝幾東風  
武陵春盡無人處猶是劉郎去後踪  
香閣小翠簾重今宵何事偶相逢  
行雲又被風吹散見了依前是夢中

前調

周紫芝

彩鷁雙飛雪浪翻  
楚歌聲轉綠楊灣  
一川紅旆初銜日  
兩岸朱樓不下簾  
閒倚處玉垂纖  
白團扇底藕絲衫  
未成密約回秋水  
看得羞時隔畫簷

前調

周紫芝

花褪殘紅綠滿枝  
嫩寒猶透薄羅衣  
池塘雨細雙鴛睡  
楊柳風輕小燕飛  
人別後酒醒時  
午牕殘夢子規啼  
尊前心事人誰問  
花底閒愁春又歸



前調

謝逸

桐葉成陰拂畫簷清風涼處卷疎簾紅綃舞袖縈腰柳  
碧玉睂峰媚臉蓮秋滿眼水連天香牋小字倩誰傳  
梅黃楚岸垂垂雨草碧吳江淡淡煙

前調

謝逸

金節平分院落涼黃昏簾幙卷西廂冰輪碾破粼粼碧  
玉斧修成練練光低照戶巧侵牀錦袍起舞謫仙狂  
鵲飛影裏觥籌亂桂子風前笑語香

前調

謝逸

水闊天低鴈字橫  
小春時節晚寒清  
梅梢月上紛紛白  
竹塢風來冉冉輕  
人似玉酒如澠  
入關意氣喜風生  
坐中有客聯鑣去  
誰唱陽關第四聲

前調

野梅  
二首

葛郊

千樹家園鎖舊津  
誰移數點在孤村  
海山探蕊禽留影  
楚客穿花蝶舞魂  
橋斷巷水橫門  
殘霞零落晚煙昏  
只因留住三更月  
暗裏香來別是春

前調

葛 郊

萬木家園霧暗津，不須踏影下前村。  
須知茗雪水雲窟，自有羅浮冰雪魂。  
橫水館倚山門，參旗有約共黃昏。  
此中得句無人見，誰在尊前領略春。

前調

昇平詞

晁端禮

霜壓天街不動塵，千官環珮賀成禋。  
三竿閭闔樓邊日，五色蓬萊頂上雲。  
隨步輦，卷香裯，六宮紅粉倍添春。  
樂章近與中聲合，一片仙韶特地新。

前調

曹組

輦路薰風起綠槐都人凝望滿天街雲韶杳杳鳴鞘肅  
芝蓋亭亭障扇開微雨過絕塵埃內家車子走晴雷  
千門不敢垂簾看總上銀鈎等駕來

前調

呂渭老

江上何人一笛橫倚樓吹得月華生寒風墮指傾三弄  
小市收燈欲二更持蟹股破霜橙玉人水調品秦箏  
細看桃李春時面共盡玻璃酒一觥

前調

呂渭老

微點胭脂暈淚痕更衣整髻立黃昏春風攪樹花如雨  
夕靄迷空燕趁門題往事錦迴文春心無定似行雲  
深屏繡幌空愁獨明月梨花殢一尊

前調

呂渭老

曾醉揚州十里樓竹西歌吹至今愁燕銜柳絮春山遠  
思入晴江水自流情渺渺夢悠悠重尋羅帶認銀鈎  
挂帆欲伴漁人去只恐桃花誤客舟

前調

呂渭老

薄薄雲山欲濕花  
雙雙燕子入簾斜  
西樓尚記垂垂露  
酌雪猶殘片片霞  
人已遠  
鬢成華  
小樓疎竹定誰家  
試憑去鴈通消息  
仙子常乘八月槎

前調

王安中

蒨霧紅雲捧建章  
鳴珂星使渡銀潢  
親將聖主如絲語  
傳與陪都振鷺行  
香裊裊  
珮鏘鏘  
昇平歌管趁飛觴  
明時玉帳恩相續  
清夜鈞天夢更長

前調

豫章郡  
王席上

向子諲

兩箇鴛鴦波上來一縞楊柳掌中迴  
已愁共雪因風去更著繁絃急管催  
含淺笑勸深杯桃花氣暖眼邊開  
司空長見風流慣輸與山翁醉玉頰

前調

賞桂

向子諲

露下風前處處幽  
官黃如染翠如流  
誰將天上蟾宮樹散作人間水國秋  
香郁郁思悠悠  
幾年魂夢繞江頭  
今朝得到薌林醉  
白髮相看萬事休

前調

卜築楊遵道故居

向子諲

莫問清陽與洛陽  
山林總是一般香  
兩家地占西南勝  
可是前人例姓楊  
石作枕醉為鄉  
藕花菱角滿池塘  
雖無中島霓裳奏  
獨鶴隨人意自長

前調

向子諲

只有梅花似玉容  
雲牕月戶幾尊同  
見來怨眼明秋水  
欲去愁睂淡遠峰  
山萬疊水千重  
一雙蝴蝶夢能通  
都將淚作梅黃雨  
盡把情為柳絮風



前調

咏紅梅

向子諲

江北江南雪未消  
此花獨步百花饒  
青枝可愛難為杏  
綠葉初無不是桃  
多態度足風標蕊  
珠仙子醉紅潮  
絕憐墅外橫斜處  
似與薌林慰寂寥

前調

中秋前數夕  
待月新橋

向子諲

駕月新成碧玉梁  
青天萬里瀉銀潢  
廣寒宮裏無雙樹  
無熱池邊不盡香  
承露液釀秋光  
直須一舉累千觴  
不知世路風波惡  
何似薌林氣味長

前調

閨中秋

向子諲

明月光中與客期  
一年秋半兩圓時  
姮娥得意為長計  
織女歡盟可恨遲  
瞻玉兔倒瓊彝  
追懷往事記新詞  
浩歌且入滄浪去  
醉裏歸來冷不知

前調

贈曹端伯  
移守荆南

向子諲

贛上人人說故侯  
從來文采更風流  
題詩漫道三千號  
別酒須攔一百籌  
乘畫鷁衣輕裘  
又將春色過荊州  
合江繞岸垂楊柳  
總學歌眉葉葉愁

前調

向子諲

幾處秋千嬾不收  
花梢柳外出纖柔  
霞衣輕舉疑奔月  
寶髻傾敝若墜樓  
爭縹緲  
鬪風流  
蜂兒蛺蝶共嬉遊  
朝朝暮暮春風裏  
驚落梨花未肯休

前調

梅

葉夢得

不怕微霜點玉肌  
恨無流水照冰姿  
與君著意從頭看  
初見今年第一枝  
人醉後  
雪消時  
江南春色寄來遲  
使君盡是花前客  
莫怪殷勤為賦詩

前調 元夕

葉夢得

夾路行歌盡落梅，篆煙香細裊寒灰。  
雲移碧海三山近，月破中天九陌開。  
追樂事，惜多才，車聲遙聽走隨雷。  
十年夢斷鈞天奏，猶記流霞醉後杯。

前調

雨後湖上看落花

葉夢得

小雨初收報夕陽，歸雲欲渡轉橫塘。  
空回羽蓋翻新影，不見瓊肌洗暗香。  
追落景，弄微涼，尚餘殘淚浥空牀。  
祇應自有東風恨，長遣啼痕破晚妝。

前調

次韻觀太湖

葉夢得

蘭渚空悲楚客秋旌旗誰見使君遊  
凌雲不隔三山路  
破浪聊憑萬里舟  
公欲去尚能留  
杯行到手未宜休  
新詩無物堪倫比  
願探珊瑚出寶鉤

前調

晚雨泛舟

葉夢得

天末殘霞卷暮紅  
波間時見沒鳬翁  
斜風細雨家何在  
老矣生涯盡箇中  
惟此意與公同  
未須持酒祝牛宮  
傍人不解青蓑意  
猶說黃金寶帶重

前調

葉夢得

一曲青山映小池。綠荷陰盡雨離披。何人解識秋堪美。  
莫為悲秋浪賦詩。攜濁酒，繞東籬。菊殘猶有傲霜枝。  
一年好景君須記。正是橙黃橘綠時。

前調

豫章  
大閱

趙師俠

玉帶紅鞵供奉班。裏頭新樣總宜男。開裝鞍轡青驄馬。  
貼體衣裳紫窄衫。雲鬢重，黛眉彎。內家妝束冠江南。  
輕裘緩帶風流帥。錦繡叢中擁騎還。

前調

損翠  
晚望

趙師俠

榕葉陰陰未著霜  
淺寒猶試夾衣裳  
霧濃煙重遙山暗  
雲淡天低去水長  
風淅瀝景淒涼  
亂鴉聲裏又斜陽  
孤帆落處驚鷗鷺  
飛映書空鴈字行

前調

七夕

趙師俠

一葉驚秋風露清  
砌蟲初聽傍牕聲  
人逢役鵲飛烏夜  
橋渡牽牛織女星  
銀漢淡暮雲輕  
新蟾斜挂一鉤明  
人間天上佳期處  
涼意還從過雨生

前調

湘江舟中

趙師俠

風定江流似鏡平，斜陽天外挂微明。  
雲歸遠岫千山暝，霧映疎林一抹橫。  
漁火細，釣絲輕，黃塵撲撲謾爭榮。  
何時了却人間事，泛宅浮家過此生。

前調

丁巳除夕

趙師俠

爆竹聲中歲又除，頓回和氣滿寰區。  
春風解綠江南樹，不與人間染白鬚。  
殘蠟燭，舊桃符，寧辭末後飲屠蘇。  
歸歟幸有園林勝，次第花開可自娛。



前調

咏茶蘼  
三首

趙長卿

弱質纖姿儷素妝  
水沉山麝鬱幽香  
直疑姑射來天上  
要惱人間傅粉郎  
簡釀酒枕為囊  
更將風味勝糖霜  
肯如紅紫空妖冶  
謾惹遊蜂戲蝶忙

前調

趙長卿

洗盡鉛華不著妝  
一般真色自生香  
飄飄何處凌波女  
故故相迎馬上郎  
尋譜牒發詩囊  
絕勝梅萼嫁冰霜  
故山寒食依然在  
勾引東坡旅興忙

前調

趙長卿

鏤玉裁瓊學靚妝不須沉水自然香好隨梅蕊妝宮額  
肯似桃花誤阮郎羞傅粉薄香囊何勞傲雪與凌霜  
新來勾引無情眼擽為東風一晌忙

前調

送春

趙長卿

只慣嬌癡不慣愁離情渾不挂眉頭可憐惱盡尊前客  
却趁東風上小舟真箇去不權留落花流水一春休  
自憐不及春江水隨到滕王閣下流

前調

趙長卿

新晴水暖藕花紅  
烘人暑氣晚來濃  
共攜纖手橋東路  
楊柳青青一徑風  
深翠裏  
豔香叢  
雙鸞初下蕊珠宮  
月籠粉面三更露  
涼透蕭蕭一夢中

前調

初夏試生衣  
書婉卿扇上

趙長卿

牙領番騰一線紅  
花兒新樣喜相逢  
薄羅衫子輕籠雪  
削玉身材瘦怯風  
人易老  
恨難窮  
翠屏羅幌兩心同  
既無閒事縈懷抱  
莫把雙蛾皺碧峰

前調 茶蘼

趙長卿

鏤玉裁瓊莫比香。娉婷枝上殢春光。風流別有千般韻。  
割捨昏沉入醉鄉。蜂共蝶儘乾忙。檀心知未肯尋常。  
從來詩苦人消瘦。乞與幽牕富錦囊。

前調 春暮

趙長卿

蜂蜜釀成花已飛。海棠次第雨胭脂。園林檢點春歸也。  
只有縈風柳帶垂。情默默恨依依。可人天氣日長時。  
東風恰好尋芳去。何事馳驅作別離。

前調

對鏡有感

趙長卿

睡覺扶頭聽曉鐘  
隔簾花霧濕香紅  
翠搖鈿砌梧桐影  
暖透羅襦芍藥風  
閒對影記曾逢  
畫睂臨鏡霎時同  
相思已有無窮恨  
忍見孤鸞宿鏡中

前調

趙長卿

綠水澄江得勝遊  
浪平風軟稱輕舟  
尊前我易傷前事  
柳外人誰獨倚樓  
空感慨惜風流  
風流贏得謾多愁  
愁多著甚銷磨得  
莫怪安仁鬢早秋

前調

趙長卿

一曲清歌金縷衣巧傳心事有誰知自從別後難相見  
空解題紅寄好詩憶攜手過堦墀月籠花影半明時  
玉釵頭上輕輕顫搖落釵頭豆蔻枝

前調

趙長卿

寶篆龍煤燒欲殘細聽銅漏已更闌紗牕斜月移梅影  
特地籠燈仔細看幽夢斷舊盟寒那時屈曲小屏山  
風光得似而今否肯把花枝作等閒

前調

朱敦儒

檢盡歷頭冬又殘愛他風雪耐他寒  
拖條竹杖家家酒上箇籃輿處處山  
添老大轉癡頑謝天教我老來閒  
道人還了鴛鴦債紙帳梅花醉夢間

前調

曾覲

桃李飄零春已深可憐輕負惜花心  
尊前賴有紅千疊牕外休驚綠滿林  
燈灼灼醉沉沉笙歌叢裏酒頻斟  
留歡且莫匆匆去悵望春歸何處尋

前調

侯寘

萬點臙脂落日烘坐間酒滿散微紅誰教豔質撩潘鬢  
生怕朝雲逐楚風尋畫燭照芳容夜深兩行錦燈籠  
朱脣翠袖休凝竚幾許春情睡思中

前調

侯寘

蜀錦吳綾剪染成東皇花令一番新風簾不礙尋巢燕  
雨葉偏禁鬪草人非病酒不關春恨如芳草思連雲  
西樓角畔雙桃樹幾許濃苞等露勻



前調

賞芍藥


侯寘

夢想當年姚魏家尊前重見舊時花  
雙檠分焰交紅影四座春回粲晚霞  
杯潑豔帽敲斜夜深絕豔愈清佳  
天明肯逐行雲去更著重重翠幕遮

御選歷代詩餘



御選歷代詩餘卷二十七



總校官庶吉士臣張能照

校對官檢討臣王福清

校對官庶吉士臣陳崇本

膳錄監生臣秦在賈

膳錄舉人臣勵守訓

財團  
法人  
佛陀教育基金會  
釋淨空

